

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine na 48. sjednici Predstavničkog doma, održanoj 23. maja 2013. godine, i na 30. sjednici Doma naroda, održanoj 15. jula 2013. godine, usvojila je

**ZAKON**  
**O IZMJENAMA I DOPUNAMA**  
**ZAKONA O OSIGURANJU DEPOZITA U BANKAMA**  
**BOSNE I HERCEGOVINE**

Član 1.

U Zakonu o osiguranju depozita u bankama Bosne i Hercegovine („Službeni glasnik BiH“, br. 20/02, 18/05, 100/08 i 75/09 ) u članu 1. stav (2) iza riječi „fizičkih“ dodaju se riječi: „i pravnih“, a iza riječi „agencija“ dodaju se riječi: „te time doprinese očuvanju sveukupne finansijske stabilnosti“.

Član 2.

U članu 2. stav 9. mijenja se i glasi:

„Osigurani depozit“ u smislu ovog zakona je dio prikladnog depozita utvrđenog odlukom Upravnog odbora Agencije koji je pokriven osiguranjem putem Fonda za osiguranje depozita.“.

Iza stava 11. dodaje se novi stav 12. koji glasi:

„Banka“ je pravno lice koje obavlja poslove primanja novčanih depozita i davanja kredita i druge poslove u skladu s entitetskim zakonima o bankama“.

Dosadašnji st. 12. i 13. postaju st. 13. i 14.

Član 3.

U članu 3. stav 1. riječi: „fizičkih lica“ brišu se.

U stavu 2. riječi: „fizičkim licima“ zamjenjuju se riječju „deponentima“.

Član 4.

U članu 4. stav 1. mijenja se i glasi:

„Najveći iznos osiguranog depozita, zajedno s obračunatom kamatom, koji isplaćuje Agencija po deponentu po banci članici je prikladan depozit umanjen za zakonski ili ugovoreni dug deponenta prema banci članici najviše do iznosa utvrđenog odlukom Upravnog odbora Agencije ili koji je manji.“.

Iza stava 2. dodaje se novi stav 3. koji glasi:

„Odluka Upravnog odbora o visini iznosa osiguranog depozita je sastavni dio ugovora o osiguranju depozita.“.

U dosadašnjem stavu 3. koji postaje stav 4. riječi: „fizičkog lica“ zamjenjuju se riječju „deponenta“.

Dosadašnji stav 4. postaje stav 5.

U dosadašnjem stavu 5. koji postaje stav 6. riječi: „fizičkog lica“ zamjenjuju se riječju „deponenta“.

#### Član 5.

U članu 6. iza stava 5. dodaje se novi stav 6. koji glasi:

“U slučaju statusnih promjena kod banaka članica, kao što su spajanje, pripajanje i slično, članstvo u programu osiguranja depozita novonastaloj banci svojom odlukom potvrđuje Upravni odbor Agencije.“.

Dosadašnji st. 6, 7. i 8. postaju st. 7, 8. i 9.

#### Član 6.

U članu 7. u stavu 4. iza tačke a) dodaje se tačka b) koja glasi:

„b) prikupljanje novčanih depozita“.

Iza stava 8. dodaje se novi stav 9. koji glasi:

„U slučaju da banka članica ne provede mjere iz stava 8. ovog člana, Upravni odbor Agencije će, na prijedlog direktora Agencije, obavijestiti nadležnu agenciju za bankarstvo da banka ne ispunjava kriterije za članstvo u programu osiguranja depozita te predložiti oduzimanje dozvole za rad banci članici.“.

Dosadašnji stav 9. postaje stav 10.

## Član 7.

U članu 7a. iza stava 3. dodaju se novi st. 4. i 5. koji glase:

„S ciljem provjere tačnosti izvještavanja Agencije, a u skladu s ugovorom i aneksom ugovora o osiguranju depozita, Agencija će vršiti vanjsku i unutrašnju kontrolu u bankama članicama.

Banka članica dužna je u svakom trenutku Agenciji učiniti dostupnim podatke o deponentima i njihovim depozitima svakako u obliku i na način kako Agencija zahtijeva.“.

## Član 8.

U članu 8. u stavu 1. riječi: „postaje učesnica u Fondu“ zamjenjuju se riječima: „pristupa programu osiguranja depozita“.

U stavu 3. riječi: „u Fondu“ zamjenjuju se riječima: „programa osiguranja depozita“.

## Član 9.

U članu 9. ispred stava 1. dodaju se novi st. 1., 2. i 3. koji glase:

„Banka članica dužna je deponentima i zainteresiranim licima pružiti informacije o osiguranju depozita utvrđenom ovim zakonom, a posebno informacije o visini i načinu isplate iznosa osiguranog depozita.

Informacije iz stava 1. ovog člana moraju biti razumljive i dostupne u pisanoj formi.

Informacije iz stava 1. ovog člana banka ne može upotrebljavati u reklamne svrhe niti na način koji ugrožava stabilnost bankarskog sistema i povjerenje deponentata.“.

Dosadašnji st. 1, 2. i 3. postaju st. 4, 5. i 6.

## Član 10.

U članu 10. iza stava 7. dodaje se novi stav 8. koji glasi:

„Odluka Upravnog odbora o visini stope premije osiguranja je sastavni dio ugovora o osiguranju depozita.“.

Dosadašnji stav 8. postaje stav 9.

Iza stava 9. dodaju se novi st. 10. i 11. koji glase:

„U slučaju da sredstva Fonda za osiguranje depozita nisu dovoljna za isplatu osiguranih depozita prilikom nastupanja slučaja osiguranja, dodatna sredstva obezbjeđuju se naplatom vanredne premije osiguranja.

Odluku o naplati vanredne premije osiguranja, njenoj visini i modalitetima naplate donosi Upravni odbor Agencije i ona se objavljuje u „Službenom glasniku BiH.“.

#### Član 11.

U članu 11. u stavu 3. iza riječi „Agencije“ dodaju se riječi: „ a sredstva Fonda čine i sredstva ostvarena naplatom po osnovu subrogacije iz likvidacione i stečajne mase banke“.

Iza stava 3. dodaje novi stav 4. koji glasi:

„Sredstva Fonda za osiguranje depozita ne mogu biti predmet izvršenja, izuzev po osnovu obaveze Agencije na isplatu osiguranog depozita.“.

Dosadašnji st. 4., 5., 6. i 7. postaju st. 5., 6., 7. i 8.

#### Član 12.

U članu 12. u dijelu 12.1. stav 2. riječi: „ili nakon zvaničnog obavještenja o imenovanju privremenog upravnika“ brišu se.

U stavu 3. riječ „prekidu“ zamjenjuje se riječju „prestanku“, a riječi: „sva fizička lica“ zamjenjuju se riječima: „sve postojeće deponente“.

U stavu 4. riječi: „fizičkih lica“ zamjenjuju se riječju „deponentima“.

U dijelu 12.2.1. riječi: „fizičkih lica“ brišu se.

U dijelu 12.2.2. stav 1. mijenja se i glasi:

„Nakon što Agencija za bankarstvo imenuje likvidacionog upravnika za vođenje procesa dobrovoljnog obustavljanja poslovanja banke članice, likvidacioni upravnik, u roku od 60 dana, isplaćuje sve osigurane depozite u cijelosti ili na osnovu proporcionalnosti, ograničene samo na iznos raspoloživih sredstava u banci. Fond nadoknađuje manjak sredstava u isplati osiguranih depozita u skladu s procesom iz stava 2. dio 12.2.2. ovog člana.“.

U stavu 2. riječi: „fizičkih lica“ brišu se.

U dijelu 12.2.3. u st. 1. i 2. riječi: „fizičkih lica“ brišu se.

U stavu 2. posljednja rečenica mijenja se i glasi: „Sve isplate naknada za osigurane depozite moraju se završiti u roku od 60 dana od dana kada nadležna agencija za bankarstvo oduzme dozvolu za rad“.

Iza dijela 12.2.3. dodaje se novi dio 12.2.4. koji glasi:

„12.2.4. S ciljem efikasne isplate osiguranih depozita predviđenih dijelovima 12.2.1., 12.2.2. i 12.2.3., nadležne agencije za bankarstvo dužne su omogućiti učešće predstavnika Agencije u postupcima likvidacije i privremene uprave kao i blagovremeno informiranje.“

U nazivu dijela 12.3. riječi: „fizičkih lica“ brišu se.

U stavu 1. riječi: „fizičkih lica“ brišu se.

U stavu 2. riječi: „neće se primati protekom roka od 12 mjeseci“ zamjenjuju se riječima: „zastarijevaju u roku od pet godina“.

Iza stava 2. dodaje se novi stav 3. koji glasi:

„Agencija će isplatiti i deponente koji su svoja prava na isplatu stekli na osnovu pravosnažne sudske presude.“

### Član 13.

U članu 13. dio 13.1. u st. 2. i 3. riječi: „fizičkih lica“ brišu se.

Stav 4. mijenja se i glasi:

„Novi depoziti ili dodatna sredstva koja su dodata postojećim prikladnim depozitima, koji su primljeni poslije dana kada je banka članica obaviještena o suspenziji osiguranja, neće biti osigurani.“

U dijelu 13.2. u stavu 6. iza riječi: „svojih depozita“ dodaju se riječi: „te u istom roku ukloniti iz svih svojih prostorija sve oznake i Agencije kao i promotivni materijal“.

U dijelu 13.3. stav 2. riječi: „fizičkih lica“ brišu se.

U dijelu 13.4. riječi: „fizičkih lica“ brišu se.

### Član 14.

U članu 15. stav 1. tačka a) iza riječi „fizičkih“ dodaju se riječi: „i pravnih lica.“

## Član 15.

U članu 18. dio 18.3. stav 10. briše se.

U dosadašnjem stavu 11. koji postaje stav 10. riječi: „osim toga“ brišu se.

U dijelu 18.4. stav 1. tačka 11. iza riječi: „premije osiguranja“ dodaju se riječi: „i vanredne premije osiguranja“.

## Član 16.

U članu 19. u dijelu 19.2. stav 2. iza tačke j) dodaje se nova tačka k) koja glasi:

„k) predlaže Upravnom odboru donošenje odluke o vanrednoj premiji osiguranja;“.

Dosadašnje tač. k), l), m) i n) postaju tač. l), m), n) i o).

## Član 17.

Član 21. mijenja se i glasi:

„Operativni troškovi Agencije finansiraju se iz prihoda od naknada, članarine i prihoda od investicija kapitala Fonda.

Odluku o naplati članarine, njenoj visini i modalitetima naplate donosi Upravni odbor Agencije i ona se objavljuje u „Službenom glasniku BiH“.

Sredstva s operativnog računa Agencije mogu se koristiti isključivo za operativne troškove Agencije, a sredstva koja čine račun Fonda mogu se koristiti jedino za isplatu osiguranja depozita u slučaju isplate osiguranja.

Za finansiranje operativnih troškova Agencije mogu se koristiti sredstva iz donacija. Za sve donacije i sve uslove vezane za njih, koji nisu uključeni u odobreni finansijski plan Agencije, potrebno je odobrenje Upravnog odbora Agencije.

Godišnje, višak prihoda nad rashodima Agencije dobivenih iz izvora iz st. 1. i 3. ovog člana raspoređuje se u Fond odlukom Upravnog odbora na prijedlog direktora Agencije. Višak prihoda nad rashodima može se koristiti i za pokriće eventualnih gubitaka koji mogu nastati u radu Agencije.

Sve premije koje uplaćuju banke članice dodaju se Fondu.

U slučaju kada korištenje prihoda Agencije u skladu sa st. 1. i 3. ovog člana nisu dovoljni za finansiranje operativnih troškova Agencije, Upravni odbor, na prijedlog direktora Agencije, može donijeti odluku o privremenoj upotrebi uplata premija osiguranja u svrhu osiguranja potrebnih sredstava. Ovakva odluka važi za period utvrđen odlukom Upravnog odbora i u tom roku se privremeno upotrijebljena sredstva vraćaju u Fond i primjenjuje se samo ako je Agencija iscrpila sve praktične načine umanjivanja operativnih troškova.

U slučaju kada sredstva Fonda nisu dovoljna za ispunjavanje obaveza Agencije u vezi sa isplatom osiguranih depozita, a sve odredbe ovog člana su iscrpljene, Agencija, u okviru ograničenja državnog zakonodavstva, može osigurati kredite i garancije za osiguranje potrebnih sredstava. U tom slučaju, Upravni odbor Agencije, na prijedlog direktora Agencije, može odobriti upotrebu budućih potraživanja premije osiguranja kao garanciju i budućih naplata premija osiguranja kao izvor otplate duga Agencije.”.

#### Član 18.

U članu 24. stav 1. iza tačke 7. dodaje se nova tačka 8. koja glasi:

„8. ako u reklamne svrhe upotrebljava informacije o osiguranju depozita utvrđene u ovom zakonu na način koji ugrožava stabilnost bankarskog sistema i povjerenje deponenata (član 9. stav 3.)“.

U stavu 2. iza broja „7.“ dodaju se riječi: „stava 1.“.

Iza stava 2. dodaju se novi st. 3. i 4. koji glase:

„Agencija može nametnuti, posredstvom Komisije za prekršaje, novčanu kaznu u iznosu od 1.000 KM do 100.000 KM banci članici ako u roku koji je odredila Agencija ne dostavi plan sanacije ili u ostavljenim rokovima ne ispravi bitno narušene kriterije kapitala, likvidnosti i neodgovarajućeg ranga.

Za prekršaj iz stava 3. ovog člana novčanom kaznom u iznosu od 1.000 KM do 10.000 KM kaznit će se i direktor banke članice i članovi nadzornog odbora.“.

Dosadašnji stav 3. postaje stav 5.

#### Član 19.

Članovi 32. i 33. brišu se.

Član 20.

Ovlašćuju se Ustavnopravna komisija Predstavničkog doma i Ustavnopravna komisija Doma naroda Parlamentarne skupštine Bosne i Hercegovine da utvrde prečišćeni tekst Zakona o osiguranju depozita u bankama Bosne i Hercegovine.

Član 21.

Ovaj zakon stupa na snagu osmog dana od dana objavljivanja u „Službenom glasniku BiH“, a bit će objavljen i u službenim glasilima entiteta i Brčko Distrikta Bosne i Hercegovine.

Broj: 01,02-02-1-17/13

15. jula 2013. godine

Sarajevo

Predsjedavajući  
Predstavničkog doma  
Parlamentarne skupštine BiH

**dr. Denis Bećirović**

Predsjedavajući  
Doma naroda  
Parlamentarne skupštine BiH

**mr. Ognjen Tadić**